

## মৌচাকে কাব স্কাউটরা মেতে উঠেছে উল্লাসে

নিজস্ব সংবাদদাতা, গাজীপুর, ২৪ জানুয়ারি। অষ্টম জাতীয় কাব ক্যাম্পুরীর তৃতীয় দিন রবিবার কালিয়াকৈরের মৌচাকে জাতীয় স্কাউট প্রশিক্ষণ কেন্দ্রে অংশগ্রহণকারী কাব স্কাউটরা আকর্ষণীয় সব উল্লাসে মেতে ওঠে। ক্যাম্পুরীতে অংশগ্রহণকারীদের কদম, জবা, সূর্যমুখী ও কৃষ্ণচূড়া-এ চারটি ফুলের নামে চারটি ভিলেজে বিভক্ত করা হয়েছে। কাব স্কাউটরা পর্যায়ক্রমে ক্যাম্পুরীর চ্যালেঞ্জিং ও আকর্ষণীয় কর্মসূচীতে উল্লাসের সঙ্গে অংশগ্রহণ করেছে। 'আমরা করব জয়' স্লোগান নিয়ে গত শুক্রবার থেকে কালিয়াকৈরের মৌচাকে ৮ম জাতীয় কাব ক্যাম্পুরী শুরু হয়েছে। ক্যাম্পুরীর আকর্ষণীয় উল্লাসগুলো হচ্ছে, আনন্দ সকাল, আমার তাঁবু, আমরা সবাই রাজা, গাঙচিল, মুক্ত আকাশ, বন্ধু গড়ি, আমার তাঁবু, কিডস জোন, খেলব মোরা, রত্ন স্নীপে যাত্রা ও জানা অজানা ক্যাম্প ফায়ার। এ সকল উল্লাসে অংশগ্রহণ করে একদিকে যেমন তারা আনন্দ উপভোগ করেছে,

(১৯ পৃষ্ঠা ৪ কঃ দেখুন)

## মৌচাকে কাব

(২০-এর পৃষ্ঠার পর)  
অন্যদিকে তাদের ব্যক্তিগত দক্ষতা ও যোগ্যতা অনুশীলনের সুযোগ পাচ্ছে। আকর্ষণীয় ও বিচিত্র সাজে কদম ভিলেজের অংশগ্রহণকারীগণ আমরা সবাই রাজা উল্লাস এরিনায় তীরন্দাজ, ডট বোর্ড, বেলুন দিয়ে ডিসকাস শ্রো, কোঁটার বল ফেলা, ভারসাম্য রক্ষা, মৎস্য শিকার, বলতে পারি, ঠিকানা খোঁজা স্টেশনে অংশগ্রহণ তাদের দক্ষতা ও যোগ্যতার পরিচয় দেয়। জবা ভিলেজের অংশগ্রহণকারী দেশীয় খেলা উল্লাছুট, দাঁড়িয়াবাঁকা, কাবাডি, ফুলটোকা, বৌছি, রিং চালানো, সাতচারাসহ ক্রিকেট, ফুটবল ও খো খো খেলায় মেতে ওঠে। সূর্যমুখী ভিলেজের অংশগ্রহণকারীরা অজানাকে জানার উদ্দেশ্যে যাত্রা করে এবং যাত্রা পথে বিভিন্ন বাধা অতিক্রম করে নির্দিষ্ট গন্তব্যে পৌঁছায়। কৃষ্ণচূড়া ভিলেজের অংশগ্রহণকারীগণ যাত্রা করেন গাঙ্গচিল নন্দন ডমশে। বাংলাদেশ স্কাউটসের উপদেষ্টা ড. শাহ মোহাম্মদ ফরিদ ক্যাম্পুরীর কদম ভিলেজের আমরা সবাই রাজা উল্লাস উদ্বোধন করেন। অনুষ্ঠানে বিশেষ অতিথি হিসেবে উপস্থিত ছিলেন জনশক্তি, কর্মসংস্থান ও প্রশিক্ষণ ব্যুরোর মহাপরিচালক বেগম শামছুন নাহার। এতে সভাপতিত্ব করেন বাংলাদেশ স্কাউটসের জাতীয় কমিশনার (প্রোগ্রাম) মোহাম্মদ রফিকুল ইসলাম খান। বিকেলে মনযুর উল করিম অর্ডেটোরিয়ামে অনুষ্ঠিত হয় শাপলা কাব রিইউনিয়ন। রিইউনিয়নে প্রধান অতিথি হিসেবে

উপস্থিত ছিলেন বাংলাদেশ স্কাউটসের প্রাক্তন প্রধান জাতীয় কমিশনার মুহঃ ফজলুর রহমান। এতে সভাপতিত্ব করেন জাতীয় কমিশনার (উন্নয়ন) মেসবাহ উদ্দিন ভূইয়া। একই সঙ্গে বিকেলে কদম ভিলেজের অংশগ্রহণকারীগণ মুক্ত আকাশ গ্লোবাল ডেভেলপমেন্ট ভিলেজ, জবা ভিলেজের অংশগ্রহণকারী বন্ধুগড়ি, সূর্যমুখী ভিলেজের অংশগ্রহণকারীগণ কিডস জোনের উন্মুক্ত মঞ্চে গান, নাচ, কবিতা আবৃত্তি অভিনয় প্রদর্শনসহ মেসেঞ্জার অব পিসের জন্য শান্তির বার্তা লিখে প্রদর্শন করে। উল্লেখ্য, প্রধানমন্ত্রী শেখ হাসিনা শনিবার গণভবন থেকে ভিডিও কনফারেন্সিং-এর মাধ্যমে এ ক্যাম্পুরীর উদ্বোধন করেন। ক্যাম্পুরীর আকর্ষণীয় এ সকল কার্যক্রম আগামী ২৭ জানুয়ারি পর্যন্ত চলবে।